

Grauscht hat der Wend

Dr Wend weht langsam ond oghem durchs Tal,
woher der kommt? Mir ischs egal.
Aber er bringt scho dr Gschmack vom Frühling doher
es isch nemme so weit, dr Winter war schwer.

Dr Boda taut auf, das Bächle schwillt a,
an Vogel fangt zaghafte zum singa a
der Holzschicht im Ofa verglüht jetzt zum Schluß,
ich machs Fenschter weit auf weil i's halt aufmacha muß

*Ach, Frühling, laß uns doch jetzt nemme los,
komm doch mit Macht, so wie selmals im Moos,
als mei Mädle und i dir so dankbar gwä send,
woich wars ond grauscht hat der Wend*

Dr Wend weht langsam und trög' nach wie vor,
und flüschtert mir ebbes wie "Frühling" ens Ohr.
Und d'Son goht jetzt unter, a bißle wird's kalt,
des Moos war so woich, ach komm scho recht bald.

*Ach, Frühling, laß uns doch jetzt nemme los,
komm doch mit Macht, so wie selmals im Moos,
als mei Mädle und i dir do dankbar gwä send,
woich wars ond grauscht hat der Wend
woich wars ond grauscht hat der Wend
woich wars ond grauscht hat der Wend*